



AMPLISSIMO PRUDENTISSIMOQVE MEDICORVM PARISIENSIVM ORDINI, ET COLLEGIO.

Inter aues præperes Ciconia glotterans, triplici potissimum memorabili commendatur nota: tum quod annua soli mutatione Europa, ob recessum solis ad calidiora Africa decedat, eodem reduce Europam repetat: tum quod venenatis vasta et infesta animalibus loca, iisdem aut deuoratis aut interfectis perperget: denique quod parentes seniculos, nec volatui, nec cibis venandis aptos, alis sublatis recipiat, & alimento allato reficiat. Vestrum (viri Apollinares) Collegium amplissimum, eruditissimum, prudentissimumque, trina præsertim spectabili dilaudatur virtute. Vos enim quotidiano mentis ad alta volatu, non tantum assidua Hippocratis, & Galeni meditatione Europam incolitis: sed in ipsam delati Arabiam, quidquid Auerroes, quidquid Auicenna feliciter protulit, demetitis. Vos ut Musægeta et Gallici Hercules, circumforaneorū, & Empiricorum monstris errorū, velut Augia stabulum Galliam perpurgatis. Vos denique natura optima parēti iam senescenti, vos ciuibz, vos toti patriæ salutaribus medicaminum auxiliis vitam prorogatis, conseruatis, tutamini. Hoc vnum est, quod proprio vobis trium Ciconiarum emblemate, quisquis is primus fuerit, posteritati significatum esse voluit. Ego verò inter Baccalaureos vestros nuper adscriptus, cum vestris, & vestrarū Ciconiarum vestigiis hætenus insistere studuerim, primum post necessarias (diuini sentis monitu) Philosophiæ, Chirurgiæ, & Pharmaciæ literas, ad altiore medicine acropolim Parisos, relicta patriæ, conuolauī: mentem ab alieno sinistroque famulantium latrice vsu tanquam à noxia fera liberari: denique vobis parentibus optimis ἀντιπελαργῶν non tantum hos vestro in horto natos, auctos, & delibatos solemnium Thesium fructus, sed & me ipsum lubens meritò perpetuum dicare et consecrare volui.

Vester

Vestri amplissimi nominis studiofissimus FRANCISCVS DES FRANÇOIS.

CARDINALITIIS MANE AGITANDA DISPUTATIONIBVS IN SCHOLIS
 MEDICORVM, DIE IOVIS XIII. MAIL. MAGISTRO MICHAËLE DE LA VIGNE
 DOCTORE MEDICO MODERATORE.

An Arthritis vere grauior?

614.

INTER articularum affectus, quales sunt parage, luxatio, ^{κατάρσις} colligatio, porosis in senibus ^{ἀνίατος}, rheumatismus, distensio commissura-
 rum insignis est arthritis morbus ^{σύννευσις}, sine Baccho & Venere nasci potens, quæ sibi nomen id ^{ἄρτις} adoptauit, symptomatum omni Medici
 cura & labore mulcendorum vehementia, humoris contumaciâ, cruditate & lentore, eiusque in cauo articularum synathrisimo. Quo sua fede raro
 dissiliunt articuli, distorquentur & incuruæcunt. Hic nunquam ^{ἀναισθησία}, semper ^{δυσαισθησία}, ut in paralyfi partis ^{ἀναισθησία} & ^{ἀναισθησία} in apoplexiâ,
 sensus ac motus in toto oratio reperitur. Arthritis causas habet perpetuas & indiuiduas articularum imbecillitatem natiam vel ad-
 ditionem, & humorem quemuis superfluum, qui à capite nonnunquam prodians & secundum membranas neruôsque excurrens articularum sinum
 ambit & subit, sæpius per venas arteria, quæ non minus vitiosi succi quàm boni capaces in infirmos articulos qualitate molestus & copiâ vi expultrici
 typicè deponitur: vt Arthritis verè nihil sit aliud quàm articularum inflammatio ^{ἐμμενός} ac dolorifica, quam fluxio periodica in eos decumbens exci-
 tauit. Hanc adeo feram diramque belluam nostro aut Hippocratis æuo nemo puer ^{ἀπὸ τοῦ ἀφροδισιασμοῦ} expertus est.

DIFFERENTIÆ Arthritidis ex causarum disponentium, efficientium, & materialium varietate minimè pendent, quæ sola duntaxat inter se ma-
 gnitudine differunt: sed articularum numero, quorum frequentius laborantium ratione, tribus tantum vfu nomen inditum est: Chiragra scriptitan-
 tibus familiaris, Podagra eunuchis & mulieribus non parcens, Ischias crebrè equitantium & salaciorum crux; quæcunque in alijs figitur articulis,
 Arthritidis nomine continetur, in quibus suam habet ^{ἵσταται}: sic tamen vt humor guttatim sensimque illabens non in ligamenti communibus
 subsistat, sed articularum cavitates penetrat ac repleat; tum vincula & membranas quæ ossium extrema forinsecus neclunt & vestiunt; tandem
 fluxionis impetu ^{ἀδελείψα} tendines & neruos dolorificè quidem, sed citra phlegmonem aut conuulsionem distendat. Ischias omnium acerbissima
 non tantum coxendicem excruciat, sed in femur, suram & extremum pedem exportigitur, quocumque nimirum neruus aut musculus latus per-
 tingit, & (quod mirum) præ cæteris lethalem tabem accersit, putredine, ab humoris indomiti cacoethia, scuitia & labe, articulo inducta, & visceri-
 bus communicata, à quibus aut toto corpore fæda isthæc illuuiis in affectam partem periodicè dimanarat.

PERIODVS morborum quo tempore frequentior, eo sæuior, ab excrémentis pendet tertie coctionis, rariùs secunda, quæ calor vberior mo-
 ueat. Illa verò coaceruantur in partibus ortu vel improba vius ratione imbecillis, quæ alimentum quantumuis laudabile, semper tamen dissimile
 conficere nequeunt: hinc superfluorum prouetus inuitabilis partibus eò infensor quo infirmiores extiterint, & succorum nunquam innocenter
 exuperantium cōmotio maior. Pancreas hydrops ^{δυσδιαγνῶσις} & curatu facilis quandoque origo, mesenterij Medicorum nutrit, pulmo tussiculor-
 um affectuū sedes, lien hepar puriū, vomitus sanguinei vix ^{κασιγῆς} aut ^{ἀναισθησία} glandulæ omnes corporis vniuersi sentina, sua laxitate; cutis situ, articuli
 laboris amantes temperie præsertim partes sunt inualidæ, his superfluis cumulandis aut excipiendis accommodatissimæ: imò natura ita compa-
 ratum est, vt humorum dysenteriam, nephriticum & colicum dolorem committentium metastases in artus feliciter fiant. Quod si collectus humor
 foras pellatur nullo superante foco, cessat periodus, aliàs pro humorum, partium anni tempestatum varietate, modò atrociùs, modò remissius incur-
 ret, vel citra dolorem, vt in vertigine, hæmorrhagia quavis, asthma ^{πύτυλλον} melancholia, mania, epilepsia, apoplexia: vel cum dolore, vt in omni
 cephalalgia, pleuritide, arthritide.

REDITVS tempestatum à sole est, prout variè ad nos accedit, vel recedit: hæ inter se vt qualitatū & durationis, sic effectū differentia dissi-
 dent. Æstas ignea & torrida spiritus inflammat, humidi primigenij substantiam exsoluit, humores proinde & mores feroces & insolentes facit, bilem
 auget & exacuit: hinc morbi calidi frigidis acutiores, solutu licet faciliores, tenui victu indigentes. Autumnus frigidus siccus melancholicum suc-
 cum parit, quartanæ, nigris vrinis aut deiectionibus, & hæmorrhoidibus iudicandæ, obstructionū contumacium causa frequentior, æstati succedens
 adustam bilē vario incertoque modo exagitans furorem, ecstasim profert ^{ἐμμενός} hypochondriacum pathos, lycanthropiam, Elephantiasim (cui
 curandæ remedium hydragyrius, vt præcauendæ phlebotomia & euitatio, in qua nullus caluitij metus. Hyems frigida & ^{ἐνυδρὸς} corpora superua
 caneo humore imbuit, pituitosæ crudæque materię prouentum gignit, distillationes crebras mites aut ferinas, febres longas inuehit, cachexiam,
 lethargum, putrida vlcera, œdemata, morborum denique cibi abstinentiâ curandorum sæturam. Ver licet omnium temperatissimum, & saluberri-
 mum suos quoque habet morbos à sanguine & pituita, qui minus sunt lethales.

VERM non tantum proprios sibi ac peculiare, sed & aliorum temporum germanos & congenere aut inducit aut nudat. Si quidem vere su-
 rores, atrabiles, grauedines, tusses, frequentius autem impetigines, pustulæ vlcerosæ, tubercula, arthritides. Quid ita? per hybernū frigus
 densata cuti impedita transpiratione, pigro & segni corpore, sita in profundo vasa multum sanguinis & vtriusque potissimum pituitæ conge-
 runt: vnde humorum metuenda sarcina & calor natiui semper diffuentis suffocatio immineret, nisi cæli vernantis blando tepore adiutus,
 & quasi suscitatus delitescens materiam, aduersa inæqualitate catullientes humores & tum orgasmo concitatos, ab internis, robustis, prima-
 riis locis modò in cutem, idoneum ac sufficiens exhauriendo malo receptaculum, modò in glandulas viscerum ^{βλαστήματα}, modò in articulos
 magno partium & naturæ leuamento, diuersimode expurgaret. Hinc sæpius & facilius, turgente abdominis & corporis vniuersi cacochemica
 multitudine, seuam ægris tyrannidem arthritis exercet, maximè vernâ constitutione, in qua venæ sectio quouis morbi tempore, vt cathartici
 genus omne quauis anni quadra, petita à morbo & causa indicatione ritè imperatur. Ea tempestate magnam subesse intus humoris illu-
 uium, acerbiores crudelioreque paroxysmos ingruere, totiesque afflictos homines magis de vita periclitari qui non sentit, nihil sentit.

Ergo Arthritis vere grauior.

Proponēbat Lutetiæ Parisiorum FRANCISCVS DES-FRANCOIS Velaunus, Anno M. DC. XXI.